



ANTARA pelajar antarabangsa UMP kelihatan ceria dapat menyambut Hari Raya Aidilfitri bersama-sama penduduk di Kampung Ketapang Tengah, Pekan, Pahang, baru-baru ini.

SEBAHAGIAN pelajar antarabangsa UMP memotong kambing panggang ketika menyambut Hari Raya Aidilfitri di rumah Wan Mohd. Zain Wan Mohd. di Kampung Ketapang Tengah, Pekan, baru-baru ini. - UTUSAN/AHMAD ZAKKI JILAN

Pelajar luar negara gamatkan suasana raya

Oleh NORHEAN SALEH
utusankr@gmail.com

PEKAN 13 Ogos - Kehadiran Syawal memberi satu pengalaman baharu kepada 30 penuntut antarabangsa dari Universiti Malaysia Pahang (UMP) meraikan sambutan Hari Raya Aidilfitri di Kampung Ketapang Tengah di sini baru-baru ini.

Mereka mengunjungi rumah seorang penduduk kampung itu, Mohd.

Zain Wan Mohd., yang disambut bersama anaknya, Wan Nazrul Helmy.

Menurut Pengarah Pejabat Antarabangsa UMP, Profesor Madya Dr. Ainol Haryati Ibrahim, para penuntut itu dibawa berkunjung ke kampung tersebut untuk merasai suasana berhari raya di Malaysia.

Katanya, kebanyakan penuntut terbabit berasal dari Afghanistan, Yaman, Sudan, Pakistan, India, Nigeria, Indonesia, China dan Bang-

ladesh itu nyata gembira malah merasai keseronokan dapat menyambut Aidilfitri di negara ini pada kali ini.

"Program ini diharap dapat mengubat kerinduan mereka walaupun tidak dapat meraih perasaan bersama insan tersayang serta ahli keluarga lain," katanya ketika ditemui di sini.

Dalam pada itu, seorang penuntut Antarabangsa UMP dari Nigeria,

Geoffrey Ogadimma Asiegbu, 44, berkata, walaupun terasa sedih kerana tidak dapat beraya bersama keluarga namun perasaan itu dapat diubat apabila menyambutnya dengan rakan dari negara lain.

Geoffrey yang melanjutkan pengajian Sarjana Kejuruteraan Elektrik Kejuruteraan Awam sejak dua tahun lalu mengakui, sambutan hari raya di sini jauh berbeza apatah lagi tanpa ahli keluarga menjadikan sam-

butannya tidak semeriah di kampung halaman.

"Walaupun sedih tidak dapat bersama keluarga di kampung, namun saya seronok dengan aktiviti diadakan atas kerjasama Pejabat Antarabangsa dan UMP," katanya.

Bagi rakannya, Mazza Sedidig Adam Abbakar, 31, keseronokan bersama rakan serta budaya kuno mengungkapkan memberi gambaran bahawa masyarakat Malaysia

sangat mesra dan saling hormat-menghormati.

Katanya, walaupun ada kawan-kawan senasib dengannya beraya di sini, namun dia tetap teringkatkan keluarganya di Sudan serta makanan dihidangkan pada pagi hari raya.

"Memang tidak pernah merasai kemerahan menyambut Aidilfitri sebegini, malah ia merupakan pengalaman manis buat saya," katanya.